



Akcija Lift: Hapšenje na GP-u Uvac

Policijski službenici Granične policije BiH, postupajući po zahtjevu Državne agencije za istrage i zaštitu (SIPA), a na osnovu naredbe Tužilaštva BiH, u nedjelju su na graničnom prelazu Uvac uhapsili I. R. (1970) i predali ga policijskim službenicima SIPA. Policijski službenici SIPA, u saradnji sa policijskim službenicima MUP-a HNK-a i MUP-a Kantona Sarajevo, 21. decembra proveli su operativnu akciju Lift. Na području Sarajeva, Mostara i Bugojna uhapšeno je šest osoba zbog postojanja sumnje da su počinili krivično djelo organizirani kriminal, u vezi s krivičnim djelom neovlašteni promet oružjem i vojnom opremom te proizvodima dvojne upotrebe. Pretreseni su objekti na šest lokacija, a tokom pretresa pronađena je veća količina oružja, municije, eksploziva i eksplozivnih naprava, kao i drugi predmeti koji mogu služiti kao dokaz u daljem postupku, saopćeno je iz SIPA.